



小倉山房詩集卷十一

乙亥

錢唐袁枚子才

春興五首

小倉山爲一家青繞向吾廬作畫屏
病起翻書如訪舊
春來養竹勝添丁
幽蘭九畹披香坐
啼鳥雙相帶笑聽
半角湘簾鈎暫捲
楊花隨客入空庭

身居宏景三層閣
家住香山八節灘
愁踐落花時讓路
愛生春水獨憑欄
朱藤架老蜂喧早
薜荔牆高蝶過難
呼與園丁作僮約
幾痕新雨試魚竿

心事山居口日幽風廊水榭足閒遊侵晨試墨書蕉葉
趁月彈琴上竹樓雙喙飛時知蝶喜十分開處替花愁
鸞臺婢子解人意勸放神仙藥玉舟

蕭蕭水木湛清華萬綠浮空塔影斜屋漏引來書帶草
水貧開瘦牡丹花無求每覺人情厚有命方知我心差
權作神仙天際想北牕跂脚鼓琵琶

碧雲英與玉浮梁酌向花神奏綠草謚作洞簫主有願
化爲陶土死猶香春光解戀身將老世味深嘗與不狂
愛殺采奴論風物此心安處是吾鄉

題慶雨林詩冊并序

甲戌春在清江爲雨林公子書詩一冊隔年公子隨宮保渡江余病起入見見旣北趙君題墨紛寵不覺變慙顏爲欣矚重書長句呈公子並呈趙君

愧舞瞿雪甘蔗梢

趙題首前番猶是蔗梢頭之句

久焚筆硯學吾苗自

無官後詩才好但有春來病卽消海內芝蘭滋臭味鈞天絲竹奏簫韶何時同作簫郎客看奪黃標我紫標

六月十四日尹宮保過隨園

小隊弓刀過野田，八騶鳴向綠楊邊。
穿雲覓遍花間路，刪竹教通林外天。
坐久紅旗飄細雨，歸遲喬木起蒼烟。
尙書回首登臨地，流水聲中二十年。

野人籬落賜評量，愛殺風琴響石牀。
門小原非迎上客，

樓高貪得見江光。

公嫌門小樓高

碧紗籠久詩箋淡，紅藕花深

帽影涼慚愧。公卿識名姓，未曾逃去學韓康。

夜過僧園見主人坐月下吹笛

秋夜訪秋士，先聞水上音。
坐天涼月色一笛酒，人心響
遍碧雲近。香傳紅藕深，相逢清露下。
流影濕衣襟。

書懷

自折黃梅雨一中分花疏竹總精神無情何必生斯世
有好都能累此身日飲爰絲真達者傳餐陸賈是天民
饒他細數唐堯後高士名傳九十八

王郎詩

井序

溫皆山吏部愛歌者王郎嫌賢弟宰上元門防
拘閱其同年莊念農儵河房近郎戲曰從我而
朝少君溫喜甚邀余與吳蘭臣汪秋舫等稱姪
前行且飲申旦後止溫書詩冊如蠶眠納王郎

袖諸公酬之

一樹涼燈萬瓦霜
四年重到舊歌場
板橋添个旗亭事
齊唱王郎曲四章

自是王孫解愛才
故教雙姓使君猜
郎姓王行波
又姓孫衍波箋紙

眞珠字便是溫家玉鏡臺

青溪咫尺路難通
阿弟琴堂最惱公
苦勸莊生居北郭
王昌消息近墻東

我有閒情海內知
連宵偏和國風詩
紫雲艷極紅牙脆
那可旁無杜牧之

再依前詩之數贈念農

三年穿老綠
衰衣鎮日悠悠坐
釣磯爭奈前王是蝴蝶
莊周來後人城飛

豐貂軟雪女牆東
小院銀燈鬪水紅
別墅酒旗花艷處
賣珠兒作主人翁

湖海元龍氣未降
揮毫同倚舊吟窗
秦淮水上如珪月
照見才人影又雙

征驂可記楚江頭
露葉霜燈話未休
君正風波儂正病
隔年秋爲兩家愁

哭陶姬

姬臺州人工棋善繡癸亥來歸生一女名成兒
今年八月四日病亡

孤花一樹晚風凋宛若神君未易招十二年來涼月色
照入春夢盡今宵

去年秋雨病相如累汝殘燈兩月餘今日西風儂轉健
玉釵聲斷夜窗虛

製曲空教嘆百年玉骨紅塵總如烟生憎江上無情水
只載鴛鴦兩度船

開箱遺墨簪花不見彈棋指
爪斜惟有幌單針線迹
壓郎腰下尙鮮華

琴聲不奏楚明光
夢知從來恨轉長
腸斷左家嬌女小
麻衣低掃一簾霜

鐙花吹影滿庭秋
但說他生事總休
半夜啼鳥兼斷雁
一齊聲下楚江頭

送尹雨林之長安補拜唐阿

西園公子羽林郎
典謁年同張辟強
雞舌乍含天對語
唾壺學捧手生光
吹來雲外飛龍引
騎去長安金鳳凰

只有故人深惜別
芙蓉江上唱河梁

尹六公子花燭詩

水泮風和臘轉時
鸞笙鳳管玉參差
尙書婚嫁人間說
開到瓊花第六枝

教持斑管自催粧
不許簫聲累鳳凰

是日不用樂

要看崔盧

好奩贈十三經
壓女兒箱

蕭郎風貌最清華
捲幔東方正曉霞
半夜珠燈照涼雪
一重春護二枝花

不須春思繞城南

公子贈句

九日春光獨早探
郎若畫眉春

有樣新年眉月在初三

郭令家風總愛才
賞詩宮錦可先裁
添箱更贈娉娥線
繡出平原公子來

有借朝衣者戲題一詩與之

柳州難起瘴浮圖
久把朝衫質酒壚
官弛更張絃亦朽
舟橫不渡棹俱無

哭襄勤伯鄂公

安西都護遠防邊
信斷陰山雪後天
降虜一朝擐甲起
孤軍萬里受鋒先
龍顏有淚三臨奠
馬革無言半裹

烟塵下殘兵歸問道口含心史向人傳

小倉山房詩集卷十二

丙子

錢唐袁枚子才

許滄亭觀察亡逾年矣家不戒于火遷柩南郊孟
孟亭太守招同人載酒爲妥其靈

一盂麥飯出南門都是遽園舊酒人里所有災空引輶
夏侯無客不沾巾生前華屋花長開城外清明鬼亦春
腸斷江頭王武子黃公壚下說音塵

引鳳曲

有序

庚午秋余避瘴蘇州或繩張校書女間獨絕暉

之則擁髻凝立妙婧流靡自言小字阿鳳年十

九年迎歸秋齋隨郎轉側亡何搗母來勸歸淚

涔涔下問欲留乎不答問他郎何以不如是亦

不答贈赤側袖中色然而拒恥作河間姪女既

別不知所往今年春余再過吳鄭叟者指天台

山有桃花不知劉阮故舊爾既見各齒擊曰是

也喜且悲誦前詩畧皆上口少選屏人曰能爲

妾道地者君也肯畜鳳郎當以傳婢禮見肯好

鳳耶當以女弟禮見人壽幾何君忍一再誤耶

余書楚人稱媚調之鳳無奈何乾笑再拜滴故
人劉魯元趙文山官其地而秀才戴石麟有下
達之託訟言其故管寄猥逐之六月九日執燭
前馬婚于戴氏余讀會真記常怪微之悔過有
不終之恨然則如余之以不終終之者較於微
之當何如也作引鳳曲一章

姑蘇城外三春水年年生長如花女牛渚磯邊臨汝郎
泛水尋花狂不已乾隆庚午六月初長陵小市駕輕車
迎來絳樹花同笑比到珠團玉不如雙瞳剪水髻橫雲

于蝶羅衫百鳥裙才共旌亭題畫壁更隨深巷駐雕輪
自言家住橫塘口都知錄事聲名久彈箏慣唱小秦王
舞袖能翻大垂手但看欹頭玉鳳凰兒家名字君知否
二八芳年嫁狻童煙花浪蕊日西東鴛鴦有心空捲雨
楊枝無力自隨風一朝曲被周郎顧碧鸞尾接銀河渡
願作銜泥燕上梁休教落月鳥啼樹碧玉回身抱滿懷
可憐金珠易離開門前阿母香車至坐上啼痕滿面來
此時無力唱回波此際情深可奈何不學丁娘索翠翹
不封朱帛寄櫻桃只留一把相思淚當作珍珠兩處拋